

جَزَنَةُ حَكَاكِي

جمعه ایرتسی

نومرو	شعبان	سنه	تشرین ثانی	سنه	صحیفه
۱۰۵۹	۶	۱۳۱۷	۲۷	۱۳۱۵	۱۵۲۶۱

(اشبو غزته بهر هفته جمعه ایرتسی کونلری هېقار . نه لکی درمقات ایچونه مجیدیه بکرمی غروسه)
 (صلیله التمه غروشر . طره لر ایچونه اوده بسه غروسه یوسه اهرتی ضم اولنور . بهر)
 (نسخسی نه مجیدیه بکرمی غروسه اولوه اوزره یوزباریه هربرده صلیلور . درج اوله جوه اعلانانک)
 (هربرنده برمجیدیه افزا اولنور . نه لکه مشتری اولوه استیاندلر عدلیه نظارتی داره منده لایه جریده)
 (محاکم اداره نه مراجعت ایلملیر .)

قهرمانی

بدلنک قری اها لیسنه قسامه صورتیه تضمین
 ایتدیرلمسی حقنده اتخا و دوت اریک باغچه لرینه
 وزیتونلکلر ایله اوزوم باغ لرینه واینجیرلکلره
 تعیم اولسان اصولک فندق باغچه لرینه ده تشمیلی
 خصوصنه داخلیه نظارت جلیله سنک اشعاری
 اوزرینه شورای دولت قرار یله بالاستیدان اراده
 سنیه جناب پادشاهی شرف تلق بیورلدینی وارد
 اولان فی ۲۰ تموز سنه ۳۱۵ تاریخلی تذکره
 سامیه ده اشعار اولشمش کیفیت هر طرفه تبلیغ
 قلندیخی کی اشبو تحریراتک نسخ مطبوعه

(فی ۲۳ رجب سنه ۳۱۷ وفی ۱۵ تشرین ثانی)
 (سنه ۳۱۵ تاریخیه عموم ولایات استیناف)
 (حکمیه سی مدعی عمومیلرینه ومدعی عمومی)
 (بولنیمان محللر مدعی عمومی معاونلرینه)
 (یازیلان تحریرات عمومیه صورتیدر)

اوتلق و صمانلق و بوجک خانه لرك احراقده

کافیسی لفا تسیر ایدلش اولغله اكا كوره
مقتضاسنك ايفاسی سیاقنده شقه ترقیم قلندی .

قسم غیر رسمی

كوچك قوغه جیلرده سكبان باشی زقاغنده
اون نومرولی خانه ده ساكنه مرحوم هدایت
پاشا زوجہ سی سعیده خانم ایله باب والای
سرعسکری بینده متكون دعوايه دائر محکمه
استیناف حقوق قسمندن ۱۵ تموز سنه ۳۱۵
تاریخی و یوز اون عددی ایله ویریلان اعلام
مومی ایها سعیده خانم طرفندن تمیز اولغله
باش مدعی عمومیلک مأموریت علیہ سنك
مطالعہ نامہ سی التدقندن صکرہ اعلام مذکور
طرفینك اعتراض وجواب لایحه لرله بالمطالعہ
تدقیقات تمیزیہ اجراسنه ابتدار قلندی

اعلام مذکورك خلاصه مالی باب والای
سرعسکری وکیلی رشیدافندی مومی ایها سعیده

خانمك زوجی متوفی هدایت پاشانك ملغا یکیشهر
وحوالیسی قوماندانلغنده بولندی صرہ ده
عساكر شاهانه یه اعطا قلنان ارزاق اثمائی اولان
یتیم طقوز بیک طقوز یوز کسور غروش
متمهدلردن التہجق تسلیم علم و خبرلرینك ارسال
قلنه جغی پاشای مشار ایله طرفندن باتلغراف
بیان ایدلسی اوزریشہ خزینہ مشار ایها جہ
ایدلش اولدینی حالده پاشای مشار ایها
اولبالده کی مقبوض علم و خبرلرینی کوندرمامسندن
طولانی مبلغ مذکور ذمتده قالدینی اکلشلدینی
کی کندوسنك اثنای مأموریتده خرجہ
نامیلہ ایک یوز یکرمی لیرای عثمانی بی دخی مغایر
اصول اولہرق بالتوقیف اخذ ایتمش اولمسنہ مبنی
خزینہ مشار ایهانك ایکی جہتلہ مطلوبی اولان
من جہت المجموع یوز بربیک طقوز یوز کسور
غروشك تأمین استیفاسی ضمنده متوفای
مشار ایها بصرہ ده کائن املا کی تحت حجزہ
التمش اولدیغندن بحثلہ حجز موضوعك تصدیقیلہ
مبالغ مزبورہ نك املاک محجوزہ اتمانندن و یا خود
ترکہ سندن تحصیلنی در سعادت بدایت محکمه سی
برنجی حقوق دائرہ سنده طلب و دعوی و برقطعه
حجر نامہ ایله مذکور تلغراف صورتی ابراز
واعطا ایتسنہ قارشو مدعی علیہا سعیده خانم

دخی ارزاق مذکورہ اتمانك متمهدلرہ ویرلدیکنہ
دائر مقبوض علم و خبرلرینی مرجعہ کوندرمامسی
مشار ایها کثرت مشغولیتندن نشئت ایتمش
برحال اولدینی اوراجہ برکونہ اشعار و شکایت
وقوع بولمامسیلہ اکلش اولمسنہ نظراً اوراق
مذکورہ النیوبده اتمانك پاشای مشار ایها
ذمتده قالدینی تحقق ایتدیکہ مجرد مقبوض علم
و خبرلرینك عدم ارسالندن طولانی پاشای
مشار ایها مسئولیتی ایجاب ایتدیکہ کی
خرجہ نامیلہ مغایر قانون اولہرق الندینی
ادعا قلنان مبالغ دخی مجلس خاص وکلا قرارینہ
استناداً اخذ ایدلش اولمسیلہ پاشای مشار ایها
بوابده دخی مسئول اولیہ جغی مدافعة بیان
وانبا ایتسی اوزرینہ محکمه جہ سبق ایدن محاکمہ
وتدقیقات تیجہ سنده مدعاہ خرجہراہك مجلس
وکلا قرارینہ مبتنی اولہرق اخذ ایدلش اولدیغندن
خزینہ مشار ایها وکیلی رشید افندینك بوجہت
حقنہ کی ادعاسی ناجمل اولدینی کی ارزاق
محجوت عنہا حقنہ استناد اولنان تلغرافنامہ ده
دخی مذکور ارزاقك الندینی و مقبوض سندانك
کوندرلمسی نظامیہ خزینہ سندن متمهدلرہ ویرلش
اولان مبالغ جنسنك بیان ایدلسنہ متوقف
بولدینی مجرد بولمسنہ نظراً شو صورت مذکور

ارزاقك الندینی و سندات مخصوصہ لرینك عدم
ارسالی خزینہ مشار ایها جانبندن جنس اچہ نك
اشعار قلمامسندن نشأت ایلدیکنی مؤید اولدیغندن
مذکور ارزاقك الندینی صور سائرہ ایله تحقق
ایتدیکہ مشار ایها مسئولیتی طرفنہ کیدیلہ میہ جکی
امور طبعیہ دن بولدیغندن مدعی خزینہ مشار ایها
وکیلنك بوجہتہ مستدار اولان ادعاسنك
دخی ردیلہ حجز موضوعك فکتنہ دائر محکمه
مذکورہ دن ویریلان اعلامك عند الاستیناف
تصدیق یولنده صادر اولان اعلام عند التمییز
ارزاق حقنہ کی جہت حکمیہ اسباب قانونیہ یه
مستند و اصول و قانونہ موافق کورنمکله تصدیقہ
وانحق خرجہراہ حقنہ کی حکمك اسباب
موجبہ سی اولان مجلس خاص وکلا قراری
پاشای مشار ایها امثال و نظامنہ توفیقاً خرجہراہ
ویرلمسی حاکی اولمسنہ نظراً بوابده کی اصول
وامثالک نہ ایدوکنك و مبلغ مذکورك صورت
اخذی اصول وامثال مذکورہ یه موافق اولوب
اولدیغنك بالتدقیق ظاہرہ اخراجیلہ اكا کورہ
حکم اولنق لازم کلور ایکن بوجہتندن ذہول
اولنسی اسبابندن نقض واعادہ قلمسی و محکمه
مذکورہ جہ تعیین ایدیلان کونده مستأنف باب
والای سرعسکری وکیلی رشید افندینك حاضر

بولنه مامسی اوزرینه اولباده کی استیناف استدعا
نامه سنک ابطالیه موقتاً حق محاکمه سنک
سقوطنه دائر محکمه مذکورده ویریلان اعلام
غیابی حکمنه وکیل مومی الیه رشید افندی
طرفندن اعتراض اولمسی اوزرینه وجاهت جریان
ایدن محاکمه و تدقیقات نتیجه سنده خلاصه سی
اعلام ابتدائیده مندرج اولان قرار مذکورده
یونان حدود جدید سنک تحدیدینه مأمور تعیین
بیورلمش اولان مشارائیه هدایت پاشا ایله
رققاسنه اشبو مأموریتلری ایچون اصول وامثالنه
توفیقاً خرجراه ویریله جکی محرر ایسه ده قرار
مذکورک لحوقندن صکره باب والای سرعسکریمجه
خرجراهک مقداری تعیین اولنه رق صورته
ربط ایلمامش اولدیغنه و شو حالده مأمورین
مشار ومومی الیهمه خرجراه ویربله جکنه متدائر
اولان قرار مذکوره استناداً معامله متعاقبه
لازمه اجرا ایلمکسزین اقمه توقیفنه متوفای
مشار الیهک حتی اولدیغنه بناء متوفای مشارالیه
طرفندن خرجراه نامیله اثنای مأموریتده توقیف
ایلمش اولان ایکوز یکرمی لیرانک بالتحصیل
نظامیه خزینهنه تسلیمه ومستدعیه تمیز سعیده
خانمک اشبو حکم علیهنده لایحه سنده محرر
اعتراضاتنک خلاصه سی مورت متوفایه مجلس

خاص وکلا قراریله خرجراه ویرلمش وتمیزاً
بونقطه دن دخی اعلام استینافی نقض ایدیله رک
اعاده اولمسی اوزرینه استیناف محکمه سنجه تمیز
قرارینه اتباعه قرار ویرلمش ایکن محکمه استیناف
قرار واقعه مخالف اوله رق بوجه محرر حکم
ایتمی ودرتیوز کسور غروش اعلام خرجی
المسی یولسز ومغایر قانون اولدیغندن بمثله اعلام
مذکورک نقضی استدعاسندن ومدعی علیه باب
والای سرعسکری وکیلی رشید افدینک
لایحه سنده مندرج نتیجه جوابی ایسه اعتراضات
مسروده نک واهی و بی اساس اولدینی بیانیله
ردی وموافق اصول وقانون اولان اعلامک
تصدیق طلبندن وائف الیمان مطالعه نامه مالی
ایسه استینافاً جریان ایدن محاکمه و تدقیقات
اوزرینه اعطا اولنان قرار مصیب کورنیکندن
اولباده کی لایحه تمیزیه ده حکمک نقضنه دائر
درمیان اولنان اعتراضات بجاکوریله مدیک بیاندن
عبارت بولمشد

ایجابی مذاکره اولندقدده اعلام مذکور
مطالعه سنندن منظم اولدینی اوزره محکمه
مذکوره نک حکم سابق پاشای مشار الیه امثال
ونظامنه توفیقاً خرجراه ویراسی مجلس خاص
وکلا قراری اقتضاسندن اولسلیله بوبابده کی

اصول وامشالک نه ایديوكنك ومبلغ مذکورک
صورت اخذی اصول وامثال مذکوریه موافق
اولوب اولدیغنک تدقیقیله ظاهره اخراجی
نقطه سنندن تمیزاً نقض ایلمش ایکن استیناف
محکمه سنجه بویولده تدقیقات لازمه اجرا ایلمسی
ومبلغ مدعا بمک استردادی حقنده محکمه جه

ویریلان قرار ایچون قانوناً یوز غروش اعلام
خرجی التحق لازم کلور ایکن خلاف قانون
اوله رق درتیوز کسور غروش خرج اعلام
استیفا ایلمسی یولسز ومغایر قانون بولمیش
اولدیغنه ومستدعیه مومی الیه سعیده خانمک
اعتراضی دخی بوجهته متدائر اوله رق شایان قبول
بولدیغنه بناء اصول محاکمه حقوقیه قانونک
ایکوز اوتوز ایکنجی ماده سی موجبجه اعلام
مذکورک نقضیه قانون مذکورک ایکوز قرق
دردنجی ماده سی حکمنه توفیقاً کیفینک صور
محرره دائره سنده بالرؤیه اعلامه ربطی ضمننده
قسم مذکوره اعاده سنه وزیرده مفرداتی مرقم
ایکوز طقسان سکز بحق غروش مصارف
تمیزیه نک ایلروده حقسز چقه حق طرفه رجوع
ایتمک اوزره اول امرده مستدعیه تمیز سعیده

اینه بولی قضاسنک چتال زیتون اسکله سنده
مقیم تجاردن قره خلیل زاده حسنی افندی ایله
قضاء مذکورک بطریوس قریه سنده ساکن
کراسته جی اصنافندن اطه لی اوغلی یورکی پینده
متحدث دعوایه دائر قسطمونی بدایت محکمه سنندن
استیناف وتجارت صفیله ۲۲ ایلول سنه ۳۱۴
تاریخی وقرق ایکی عددی ایله صادر اولان
اعلام مومی الیه حسنی افندی طرفندن تمیز
اولنغله اعلام مذکور طرفینک اعتراض وجواب
لایحه لریله بالمطالعه تدقیقات تمیزیه اجراسنه ابتدار
اولندی

اعلام مذکورک خلاصه مالی مرقوم
یورکینک مومی الیه حسنی افندی ایله برادری
محمد افندی دن ادعا ایلدیکی اوتوز اوچسک التیوز
التمش بر عروشدن طولای پینلرنده تگون ایدن
دعوایه دائر اینه بولی بدایت محکمه سنک تجارت
قسمندن صادر اولان اعلامک عند الاستیناف

تصدیقنی متضمن قسطمونی بدایت محکمه سندن
صادر اولان اعلام مقدما اسباب قانونیه دن
طولانی تمیزاً نقض واعاده اولنمی اوزرینه بترار
اجرا قلنان محاکمه و تدقیقات نتیجه سنده حسنی
اقدینک تسلیماتی اولدیغنی در میان ایلدیکی یکریمی
اوچیک یوز اون بچق غروش حقنده مستأنف
علیه یورکینک اجرای تحلیفی لزومنه قرار
ویریلهرک مومی الیه حسنی اقدینک طالب
تحلیف اولوب اولدیغنک استفساری ضمنده
وکیلی نوری بک امهال ایلدیکی حالده بالاخره
تعیین قلنان کونده مومی الیه حسنی اقدی
وکرکسه وکیلی محکمه یه کلامش اولدقلرندن
عند الاعتراض ایجاب قانونیسی اجرا قلمیق
اوزره مبلغ مزبورک مع فائض تحصیلیه مستأنف
علیه یورکی به اعطاسنه دأر غیاباً صادر اولان
اعلامه مرقوم حسنی اقدی طرفندن اعتراض
علی الحکم ایدلکله اجرا قلنان محاکمه وجاهیه
نتیجه سنده معترض مرقومک وکیلی یوانی اقدی
بدایه صادر اولان اعلام هنوز فسخ اولنماش
اولدیغنه و اعلام مذکور فسخ اولندقدن صکره
اساس دعوانک رؤیتی لازم کله جکنه مبنی بدایت
اعلامی فسخ اولنمیه رق حکمی باقی ایکن مؤکلنک
تحلیفی لازم کله جکی حقنده افاده سنده اصرار

ایتمش و بوا یسه تحلیفه طالب اولماق دیمک بولتمش
ایدو کندن مبلغ مدعا بهی ناطق اولان ۲۱ حزیران
سنه ۳۱۱ تاریخلی سندک حاوی اولدیغنی یکریمی
التیسیک التیوز یکریمی بر غروشدن اون اوچیک
غروشدن تاریخ سندن طقسان برکون حلولنده
واون اوچیک التیوز یکریمی بر غروشدن دخی
کذلک تاریخ سندن اعتباراً اوچوز التمش بر
کون ختامنده کندوسنه ویا امر وحواله سنه تأدییه
وايقا اولتمق واولنه مدیغنی تقدیرده ایکنجی
تقسیمک مدتیه انتظار ایتمکسزین مبلغ مزبور
ایله یدیبیک قرق غروش ضرر وزیان و مصارف
همجزیه بشقه جه ایفا قلمیق شرائطنه دأر مندرج
بولنان مقاوله اصول محاکمه حقوقیه قانوننک
یوز اون ایکنجی ماده سی موجبیه ایچه تأدییه سندن
عبارت اولان تعهدات قیلندن اوله رق یالکز
رأس المالك فائض نظامیسنک تأدییه سنی ایجاب
ایده جکنه کوره سالف الذکر ضرر وزیانک
تضمینی لازم کله جکندن معترض وکیلی یوانی
اقدینک بوجهته متدأر اولان افاده سی موافق
قانون بولندیغنه مبنی اعلام معترض بهک ضرر
وزیان اوله رق حکم اولنان یدیبیک قرق غروش
حقنده کی فقره سنک ضمنی و مبلغ مزبوره محسوباً
مدعی یورکینک مقبوضی اولدیغنی تحت اعترافنده

بولنان اوچیک یوز اون اوچ بچق غروش
تزیلی ایله متباقی یکریمی اوچیک بشیوز یدی
بچق غروشک مجله نک بیک التیوز اوتوز ایکنجی
ماده سی حکمنه توفیقاً تحصیلیه و مبلغ مزبوره
محسوباً سالف الذکر ۲۴ تموز سنه ۳۱۱
تاریخیه وقوعبولان اوچیک یوز اون اوچ بچق
غروش بالتزیل متباقی طقوز بیک سکز یوزسکسان
القی غروش یکریمی پاره حقنده انقضای وعده
اولان ۲۱ ایلول سنه ۳۱۱ تاریخندن تاریخ
قراردکین جدید مراجحه نظامنامه سی موجبیه
یوزده اوتوزدن بالحساب ایشله مش اولان ایکیک
درتیوز التمش طقوز غروش و دیگر ایکنجی
تقسیمک انقضای مدتی اولان ۲۱ حزیران
سنه ۳۱۲ تاریخندن تاریخ قراردکین کذلک
ایشلمش اولان ایکیک درتیوز سکسان ایکی
غروشکله جمعاً بالغ اولدیغنی درتیک طقوز یوز
اللی بر غروش فائضک رأس المال اولان یکریمی
اوچیک بشیوز یدی بچق غروشه ضم
وعلاوه سیله بالغ اولدیغنی یکریمی سکز بیک
درتیوز الی سکز بچق غروشک حین تحصیلیه قدر
رأس المال ایچون ایشله جک فائضیه برابر
مدعی علیه دن تحصیلیه مدعی به اعطاسنه ورأس المال
ایچون بشقه جه گذشته یورداسنه حکمدن

و مستدعی تمیزک اشبو اعلام علیه نه لایحه سنده
محرر باشلوجه اعتراضی وکیل مومی الیهک اعلام
ابتداینک فسخندن صکره یمین ویرلسی مقتضیات
قانونیه دن اولدیغنه دأر واقع اولان اعتراضی
رد ویا تصدیق اولنهرق بعده طالب تحلیف
اولوب اولیه جفی سؤال ایدلک ایجاب ایدرکن
اعتراض مذکورینه یمین تکلیفندن نکول معناسی
ویرلسی ومدت اعتراض حقنده کی تدقیقاتک
طرفین مواجهه سنده و صورت علیه نه اجرا
اولنماسی یولسز و مخالف قانون اولدیغندن بمثله
اعلام مذکورک نقضی استدعاسندن و مدعی علیهک
نتیجه جوابی دخی اعتراض مذکورک واهی و بی
اساس اولدیغنی بیانیله ردی و موافق قانون
اولان اعلامک تصدیقی طلبندن عبارت بولتمشدر
ایجابی مذاکره اولندقدن اعلام مذکور
مندرجاتندن منفهم اولدیغنی اوزره استینافاً
جریان ایدن محاکمه اثناسنده مومی الیه حسنی
اقدی وکیلی حکم ابتدائی فسخ ایدلکجه مؤکلنک
تحلیفی لازم کله جکنی بیان ایتسی اوزرینه
محکمه جه مومی الیهک بوافاده و مدافعه سی حقنده
برقرار ویریلهرک مستأنف مومی الیه وکیلنه
بالتفهم مستأنف علیه یورکی به یمین ایتدیروب
ایتدیرمیه جکنه دأر کندیسندن قطعی بر جواب

قسطا کی طوماییدی زوجہ سی مادام طارس ایله
غلطه ده وویوده جاده سنده اوتوز نومرولی
دکانده مقیم طاشچی پاسقال یئنده متکون دعوايه
دار محکمه استیناف حقوق قسمندن ۸ ایلول
سنه ۳۱۴ تاریخی ویوز اون سکز عددی ایله
ویریلان اعلام مزبور طارس قادین طرفندن
تمیز اولمغله اعلام مذکور هیئت عمومیجه
بالندیق حکم سابق منقوضده اصراری متضمن
اولدینی اتفاله قرار گیر اولدقدن صکره یالکز
مستدعی مزبور دنک اعتراض لایحه سیله بالمطالع
تدقیقات تمیزیه اجراسنه ابتدار اولندی

اعلام مذکور ک خلاصه مالی مرقوم
طاشچی پاسقال ایله مزبور طارس قادین یئنده
منعقد مقاوله موجبجه انشا ایلدیکی قبر طاشی
بدلندن متباقی الی و مزبور دنک امریله اچقدن
صرف ایتمدیکی اوج بحق که جمعاً الهجفی اولان
الی اوج بحق لیرای عثمانینک مزبور طارس
قادیندن تحصیلنی در سعادت بدایت محکمه سی
برنجی حقوق دأره سنده طلب ودعوی وبرقطعه
مقاوله نامه ابراز واعطا ایتسنه قارشو مدعی علیها
طارس قادین دخی ذکر اولنان قبر طاشی
اولباده کی خریطه ورسمه موافق صورته انشا

التمق لازم کلورکن اعلام ابتدائینک فسخنی
ایجاب ایدوب ایتیه جکنه برقرار ویرلکسزین
وبوقرار مستأنف وکیلنه تفهیم اوله رق یمین
ایتدیروب ایتدیر میه جکی قطعاً اکلا شلقسزین
اعلام ابتدائی فسخ اولمغله مؤکلنک تحلیفی
لازم کلیه جکی حقنده کی افاده سنه طالب تحلیف
اولماق معناسی ویریلهرک مبلغ مدعا به حکم
اولنسی مخالف قانون اولدیغه بناء اصول
محاکمه حقوقیه قانوننک ایکوز اوتوز ایکنجی
ماده سی موجبجه اعلام مذکور ک نقضه وقانون
مزبور ک ایکوز قرق در دنجی ماده سی حکمنه
توفیقاً کیفیتک بالرؤیه اعلامه ربطی ضمنده محکمه
مذکوره یه اعاده سنه وزیرده مفرداتی مرقم
اوچوز طقسان اوج بحق غروش مصارف
تمیزیه نک ایلروده حقسز چقه جق طرفه هاند
اولق اوزره اول امرده مستدعی تمیزدن النسنه
۱۵ حزیران سنه ۳۱۵ تاریخنده متفقاً قرار
ویرلدی .

قارده عبدی صوباشی محله سنده کرججی
زقاغسده بر نومرولی خانه ده ساکنه متوفی

ایلامش اولدیغندن بونک مدعی پاسقاله ردیه
بروجه بشین ویرمش اولدینی اچهنک استردادینی
مدافعه انبا ایندکدن و منازع فیه قبر طاشنک
اولباده کی رسمه موافق اعمال وانشا اولنمش
اولدینی هیئت کشفیه جانبندن ویریلان راپور
مندرجاتبله مثبت اولدیغندن مدعا به الی لیرانک
مزبور طارس قادیندن تحصیلی قرار گیر اولدقدن
صکره امریله صرف اولدینی ادا اولنان اوج
بحق لیرانک اکمال محاکمه سی ایچون اخیراً تعیین
قلنان کونده مدعی علیها مزبور طارس قادینک
اجابت ایتامسی اوزرینه تعیین ایدیلان وکیل مسخر
حضور یله جریان ایدن محاکمه و تدقیقات نتیجه سنده
عند الاعتراض بوباده کی امرینی مزبور طارس
قادین انکار ایده جک اولور ایسه یمین تکلیف
ایده جکنی مدعی مرقوم پاسقال بیان ایتسنه
وبوایسه موافق قانون بولمسنه بناء مدعا به اوج
بحق لیرانک دخی یمینه تعلیقاً مزبور طارس
قادیندن تحصیلیه مدعی طاشچی پاسقاله اعطاسنه
دار محکمه مذکور دن ویریلان حکمک
عند الاستیناف تصدیقی بولنده صادر اولان اعلام
محکمه بدایتده اجرا قلنان کشفی مبین اولوب
مالی اعلامده محرر اولان راپور مألنه نظراً
مذکور طاشک طولی مقاوله دن بش سائیم

نقصان اولسنه نظراً مزبور طارس قادینک
منازع فیه طاشک مقاوله یه غیر موافق ایدوکی
حقنده کی اعتراضی وارد ایکن استیناف محکمه سیجه
ردینه قرار ویرلسی وکشف قرارنامه سیله ارباب
وقوفک ویردیکی راپور ک دخی طرفینه تبلیغ
ایلامسی اسبابدن طولانی تمیزاً نقض واعاده
قلنسی اوزرینه محکمه مذکور جه بتکرار جریان
ایدن محاکمه و تدقیقاتده بومثللو استصناعانده
مصنوعک مطلوبه موافق اوله جق وجهله توصیف
وتعریفی مجله نک اوچوز طقساننجی ماده سی
اقتضاسندن بولدینی حالده میانه طرفنده تنظیم
وتعاطی قلنمش اولان مذکور مقاوله نامه نک
ترجمه مصدقه سی مؤداسنه نظراً مصنوعک معین
بر صورتده توصیف وتعریف اولمغدی اکلانشلش
وخصوصیه مذکور طاش مقصود اولان منافی
استحصال ایده جک صورته فیه موافق اوله رق
انشا واعمال اولدینی و قیمتک دخی فضله ایدوکی
اول و آخر اجرا قلنان کشف و تحقیقات ایله
ثابت وکشف حقنده مقدما ویریلان قرار
مذکور طاشک هیئت حاضر سی وجهله انشا
واعمالی قیمت واعتبار پنه خلل ویروب ویر میه جکنندن
عبارت اولوب اولباده اجرا قلنان کشف
نتیجه سنده ایسه مذکور طاشک هیئت حاضر سی

بودن بش سنه مقدم تملدن ماعداسی یوز التمش لیرا ایله قابل اولوب شو صورتله انشاسی قیمت واعتبارینه خلل ویرمیه جکی ارباب وقوف طرفندن بیان اولنمش وکشف واقع موافق قانون بولنمش اولغله مستأنفه مزبور طارس قادین وکیلنک اولیاده کی اعتراضاتنک ردیله اعلام مستأنف بهک تصدیق یولنده ویریلان قرار تمیزاً و تصحیحاً بالتدقیق منازع فیه قبر طاشنک اولیاده کی مقاوله نامهیه موافق صورتده مرقوم پاسقال طرفندن اعمال ایلامش اولدینی جریان محاکمه دن اکلاشلقدده اولسنه و مجله نك اوچوز طقسان ایکنجی ماده سنده ایسه مصنوعک تعریفه عدم موافقتی حالنده مستصنعک قبولده مخیر اوله جفی محرر بولنسنه بناء استیناف محکمه سنجیه بودقیقه قانونیهیه رعایت ایلمکسزین ائماننک تحصیلنه قرار ویرلسی یولسز اولدیغندن ناشی نقض واعاده قلمسی اوزرینه قسم مذکورجه بتکرار جریان ایدن محاکمه و تدقیقات نتیجه سنده قرار سابق منقوضده ثبات واصرار اولنسنه حکمدن و مستدعیه تمیز طارس قادینک اشبو حکم علیهنده لایحه سنده محرر اعتراضاتنک خلاصه سی منازع فیه قبر طاشی اولیاده کی مقاوله نامه احکامه موافق صورتده انشا ایلامش

و بوخصوصده کندوسی مجله حکمنجه مخیر اولوب حکم سابق استینافی دخی تمیزاً بونقطه دن نقض ایلمش ایکن استیناف محکمه سنجیه تمیز قرارینه اتباع ایلمکسزین بوجه محرر قرار ویرلسی یولسز ومغایر قانون اولدیغندن بحمله اعلام مذکورک قضی استدعاسندن عبارت بولنمشدر

ایجابی مذاکره اولندقدده اعلام مذکور مطالعه سندن منقهم اولدینی اوزره منازع فیه قبر طاشنک اولیاده کی مقاوله نامهیه موافق صورتده مرقوم پاسقال طرفندن انشا واعمال ایلامش اولدینی جریان محاکمه دن اکلاشلقدده اولسنه و مجله نك اوچوز طقسان ایکنجی ماده سنک فقره اخیره سی حکمنجه مصنوع تعریفه موافق اولدینی صورتده مستصنعک مخیر اوله جفی درکار بولنسنه بناء استیناف محکمه سنجیه بودقیقه قانونیهیه رعایت ایلمکسزین بوجه محرر قرار اول منقوضده اصرار وثبات ایلمسی یولسز ومغایر قانون اولدیغه و مستدعیه مزبورنک اعتراضی دخی بوجهته متدائر اوله رق شایان قبول بولندیغه بناء اصول محاکمه حقوقیه قانوننک ایکوزاوتوز ایکنجی ماده سی موجبجه اعلام مذکورک نقضنه و ایکوز قرق طقوزنجی ماده سی حکمنه توفیقاً کیفیتک صور محرره دائره سنده بالرؤیه اعلامه

ربطی ضمننده قسم مذکوره اعاده سنه وزیرده مفرداتی مرقم ایکوز طقسان سکز بحق غروش مصارف تمیزیه نك ایلروده حقسز چقه جق طرفه رجوع ایتک اوزره اول امرده مستدعیه مزبور طارس قادیندن النسنه ۳ مارت سنه ۳۱۵ تاریخنده متفقاً قرار ویرلدی .



انقره نك حصار فقرا محله سنده مقیم کرونی سحاق بکلیان ایله انقرده اورغانچیلر خاننده ساکن تجارت محکمه سی اعضاسندن قانبور اوغلی و یچن افا ییننده متکون دعوایه دائر انقره بدایت محکمه سندن ۲۲ حزیران سنه ۳۱۴ تاریخی واون سکز عددی ایله ویریلان اعلام مزبور سحاق طرفندن تمیز ایلمکله اعلام مذکور یالکز مستدعی مزبورک اعتراض لایحه سیله بالمطالعہ تدقیقات تمیزیه اجراسته ایتدار اولندی

اعلام مذکورک خلاصه مالی مرقوم و یچن اغانک برقطعه سند موجبجه مزبور سحاق ذمتده جهت حواله دن اله جفی اولان قرق عدد عثمانلی لیراسنک تأمین استیفاسی ضمننده مدیون

مزبورک حیانه قضا سنده واقع معلوم الحدود ایکی باب خانه سنه وضع ایلدیکی حجزک تصدیقی انقره بدایت محکمه سنه مراجعتله طلب ودعوی ایتسی و حجز مذکورک قضاء مذکور بدایت محکمه سنجیه وضع ایلمسی جهتیله مستند ادعا اولان سند ایله حجزه دائر اولان اوراق سائر قضاء مذکور بدایت محکمه سندن جلب ایلدیکی کبی مدیون مزبور سحاقک زوجیه سی مارانه قادین طرفندن منازع فیه خانه نك بریسی حقنده اقامه اولسان استحقاق دعواسنه دائر اولان اوراق دخی توحید محاکمه ضمننده برلشدیریلرک اجرای محاکمه یه ایتدار ایله اول امرده مزبور سحاق طرفندن اقامتکاهنک حیانه اولدینی بیانیله در میان اولان صلاحیت اعتراضک مدعی عمومی حضوریه رد ایلمسی جهتیله مزبور ادعای سابقنده اصرار و محاکمه یه طور شفقندن امتناع واعتذار ایتسیله وکیل مسخر حضوریه سبق ایدن محاکمه و تدقیقات نتیجه سنده سند مذکورده موضوع امضا حقنده میزلر معرفتیه تطبیقات قانونیه بالاجرا مذکور امضاتک مدیون مزبور سحاقک اولدینی تحقق ایتدیکنه بناء حجز موضوعک تصدیقیله منازع فیه خانلرک فروخت اوله رق ائمانندن مبلغ مدعا بهک مع فائض

تخصیصه و مارانه قادیان طرفین اقامه اولنان
استحقاق دعواسنک بشقهجه رؤیت ایدلک اوزره
ردینه حکمدن و مستدعینک اشبو حکم علیهنده
لایحه سنده محرر اعتراضاتنک خلاصه سی محجوز
خانه لردن بریسی مسکن شرعی اولوب حجج
و فروختی قانوناً غیر جائز اولدینی کبی دیگر خانه
حقنده زوجه سی طرفین اقامه اولنان استحقاق
دعواسنک برلکده رؤیتی تقرر ایتدیکی حالده
غیباً جریان ایدن محاکمه نتیجه سنده استحقاق
دعواسنک ایلرویه تعلیقیه هر ایکی خانه حقنده
موضوع حججک تصدیقنه قرار ویرلمسی مخالف
قانون اولدیندن بحکله اعلامک نقضی استدعاسندن
عبارت بولمیشدر

ایجابی مذاکره اولندقدن اعلام مذکور
مألندن منفهم اولدینی اوزره دین ایچون فروختی
تحت قراره النان محجوز ایکی خانه دن بریسی
مدیون مرقوم سحاقک سکناسنه مخصوص اولدینی
سویلمکده اولمسنه نظراً محکمه جه مدیون مرقومک
بولردن بشقه خانه سی اولوب اولدینک تدقیق
ایدلمسی و اولدینی صورتده بریسنک ترکیله
دیگرینک فروخته قرار ویرلمسی لازم کلور ایکن
محکمه جه بویولده اجرای تدقیقات ایدلامسی
پولسز اولدینی کبی منازع فیه خانه لردن بریسنک

کندوسنک اولدینی شخص ثالث مارانه قادیانک
ادعا ایتکده اولمسنه نظراً اول امرده شخص
ثالثک دعواسنک رؤیتیه انک نتیجه سی اوزرینه
حجج دعواسنک رؤیتی لازم کلور ایکن شخص
ثالثک دعواسنک بشقهجه رؤیتیه قرار ویرلمسی
دخی مغایر قانون اولدیننه بناءً اصول محاکمه
حقوقیه قانوننک ایکوز اوتوز ایکنجی ماده سی
موجبجه اعلام مذکورک نقضیه قانون مزبورک
ایکوز قرق بشنجی ماده سی حکمنه توفیقاً
کیفیتک بالرؤیه اعلامه ربطی ضمننده محکمه
مذکورهیه اعاده سینه وزیرده مفرداتی مرقم
اوچیز طقسان اوج بحق فروش مصارف
تمیزیه نیک ایلرویه حقسز چیه جق طرفه عائد
اولق اوزره اول امرده مستدعینک النسنه ۲۱
اغستوس سنه ۳۱۵ تاریخنده متفقاً قرار ویرلدی .

اعلان

کملیک قضاسنه تابع قباقلی قریه سی اهالیسندن
اولوب موقه غلطده عزت پاشا خاندن مقیم تبعه
دولت علیه دن مصطفی رئیسک اناطولی نام

واپورک سوارسی تبعه یونانیه دن اولوب
اقامتگاهیه مجهول یورکی اسپرانجه قبودان علیهنه
در سعادت تجارت بحریه محکمه سندن استیصال
ایلدیکی ۲۸ تموز سنه ۳۱۵ تاریخلی و بشیوز
عدد لیرای عثمانینک گذشته و مصارف محاکمه ایله
برابر تخصیصی حکمنی ناطق اعلام غیابینک
صورت مصدقه سی بر منوال محرر قبودان
مرقومک اقامتگاهیه مجهول بولندینی جهتله
اصول محاکمه تجارت نظامنامه سنک بکر منجی
ماده سنک دردنجی فقره سی احکامنه توفیقاً تبلیغ
اولنمش عد اولنمش اوزره محکمه نیک دیوانخانه سنه
تعلیق اولدینی کبی اوراق حوادث واسطه سیله
دخی اعلان قلندی .

۹ جمادی الاول سنه ۳۱۷

۲ ایلول سنه ۳۱۵

حصه لری وینه مذکور ساحخانه و ریختم محلی
و دیگر طقوز دونم ایکی قطعه باغ معلوم المقدار
ماء جاری ایله الی دونم دیگر برقطعه باغک کذلک
سکزر حصه دن بر حصه سی لدی المزیاده اوچبیک
سکزر یوز عدد لیرای عثمانی بدل ایله مومی الیه
موسیو اوستاطی اوکهنیدی عهده سنده تقرر
ایدرک قرار قطعیه ویرلمش اولدیندن تاریخ
اعلانن اعتباراً سکزر کونه قدر مدیون و راهن
مومی الیه نظرت بک محکمه تجارت اجرا
داره سنده اثبات وجودله ادای دین ایتدیکی

شرکت عثمانیه قامیو اسهام بانکهنک الیوم
اقامتگاهیه مجهول بولان ادویردی نظرت اقدی
ذمتنده اولان مطلوب محکومنک تأمین تسویه سی
ضمننده مومی الیهک متصرف اولوب شرکت

جالدہ خصوص مرہونہ مذکورہ نك بدل متعهد
مذکورہ مرہین و مشتری مومی الیہ عہدہ سنہ
فراغ و تمليك ايتديريہ جکی معلوم اولق اوزرہ
دائرہ مذکورہ دن اعلان کیفیت اولنور .

۱۵ تشرین ثانی سنہ ۳۱۵

عاجی تجارندن قارلوهلی واسیلک مولویخانہ
قبوسی خارجندہ ساکنہ ماریہ قادین ایلہ نیقولی
ذمتدہ الہجینی اولان مبالغ معلومہ نك تأمین
استیفاسیچون مدیونلرک عہدہ تصرفلرندہ اولوب
محکمہ قراریلہ تحت حمزہ النان مولویخانہ قبوسی
خارجندہ مرکز اقدی محلہ سنندہ چربیچی
جاده سنندہ واقع اون نومرولو و تخمیناً اون بیچق
دوئم و سنوی بیک اکیوز غروش ایجار کتورر
وینہ محل مذکورہ تکیہ جی محلہ سنندہ چربیچی
جاده سنندہ یکر می نومرولو تخمیناً اون درت
دوئم و سنوی بیک غروش ایجار کتورر ایکی
قطعه باغک نصف حصہ لرینک تاریخ اعلاندن
اعتباراً اون بش کون صکرہ بالمزایدہ فروختہ
تشبت اولنہ جینی درسعادت اعلامات نظامیہ اجرا
دائرہ سندن اعلان اولنور .

۲ ایلول سنہ ۳۱۵

حمید بکک درسعادت بدایت محکمہ سی
ایکجی حقوق دائرہ سندن بدایہ و اعتراضاً وانی
تصدیقاً استینافاً ویریلان اعلامات موجبہ علیہ
خانم ذمتدہ الہجینی اولان مبالغک تأمین
تسویہ سیچون مرہون و فروختی محکوم حاصکی
جوارندہ باشجی حاجی محمود محلہ سنندہ کر جخانه
زقاغندہ تخمیناً یتش آرشون عرصہ اوزرینہ
مبنی فوقانی و تحتانی اوج اوطہ و بر مطبخ و تخمیناً
اللی آرشون مقداری باغچی حاوی مکرر ایکی
نومرو ایلہ مرقم بر باب خانہ نك درت حصہ
اعتباریلہ اوج حصہ سی بالمزایدہ لیرا یوز غروش
حسابیلہ بشبیک اکیوز غروشده طالبی
عہدہ سنندہ تقرر ایدرک موقتاً قرار دادہ سی
کشیدہ قلمش اولدیغندن یوزدہ بش ضمیمہ طالب
اولانلرک یوزدہ اون پی اچہ لریلہ برابر اوتوز
برکون ظرفندہ درسعادت اعلامات نظامیہ اجرا
دائرہ سنہ مراجعت ایللری اعلان اولنور .

۲۱ تشرین اول سنہ ۳۱۵

قطارجی احمد اقدینک با اعلام کراستہ جی
علی اغا ذمتدہ محکومہ الہجینی اولان مبالغک

تأمین استیفاسیچون مدیون مومی الہک متصرف
اولدینی معجونجی قربندہ قوروق محمود محلہ سنندہ
چشمہ زقاغندہ واقع تخمیناً بشیوز آرشون عرصہ
اوزرینہ مبنی ایکیشر اوطہ لی و شہری قرقر
غروش کیرالی برر قاتدن عبارت یکدیگرہ متصل
اون ایکی و مکرر اون ایکی نومرولرہ مرقم درت
باب خانہ مع باغچہ نك مجموعنک نصفی بالمزایدہ لیرا
یوز غروش حسابیلہ اوجبیک اکیوز غروشده
طالبی عہدہ سنندہ تقرر ایدرک موقتاً قرار دادہ سی
کشیدہ قلمش اولدیغندن یوزدہ بش ضم ایلہ
طالب اولانلرک یوزدہ اون پی اچہ لریلہ برابر
اوتوز برکون ظرفندہ درسعادت اعلامات نظامیہ
اجرا دائرہ سنہ مراجعت ایللری اعلان اولنور .

۲۱ تشرین اول سنہ ۳۱۵

عدد

۶ مشمع پردہ

۱ مستعمل قنابہ

۸ قولتی صندالیہ

۱ عشاق حالسی

۲ آبنہ مع ماصہ

۱ دیوار ساعتی

۵ اطلاس یوزلی قنابہ

۵ اطلاس یوزلی قولتی

۶ قدیفہ یوزلی صندالیہ

۲ کبیر آبنہ مع قونسول

۱ پنج قاریولہ

۱ اطلاس یوزلی قولتی

شورای دولت اعضاسندن ایکن بوندن
اقدم وفات ایدن یکیشہرلی متوفی حسین حسنی
بکک ابراہیم اغایہ با اعلام محکوم بہ دینی اولان
معلوم المقدار مبالغک تأمین تسویہ سیچون
مدیون متوفای مومی الہک مالی اولوب محجوز
و فروختی قرارلشدیریلان بالادہ جنس ونومی
کوستریلوب و دہا بوکا مائل معلوم القلم اشیا
تاریخ اعلاندن اعتباراً نہایت اوج کون صکرہ
چارشوی کیردہ یول کچن خانی درونندہ بالمزایدہ
فروخت اولنہ جینی درسعادت اعلامات نظامیہ
اجرا دائرہ سندن اعلان اولنور .

۲۴ تشرین اول سنہ ۳۱۵

متوفی اطناش ورثه سنك ديمتري ذمتنده
اوقاف هايون مفتشلكندن ويريلان اعلام شرعى
موجبجه الهجقلى اولان مبالغ معلومهك تامين
استيفاسى ذمتنده محجوز وبك اوغلى ايكنجى
حقوق دائره سندن ويريلان اعلامه فروختى
محكوم بولنان يلكيشهرده دره بوي جاده سنده واقع
طقسان يدي نومرولى فرون ايله طقسان طقوز
ويوز بر نومرولر ايله مرقم دكانلرده كى حصه
شايعه سى بوندن اقدام مزايديه قونيله رق ليراي
عثمانى يوز غروشدن اون بشيك غروش بدل
ايله طالبى اوزرنده تقرر ايتمش اولديغندن يوزده
بش ضميمه بوندن دهها زياده به طالب اولانلرك
اشبو تاريخ اعلانن اعتباراً اوتوز بركون
ظرفنده اعلامات شرعيه اجرا دائره سنه مراجعت
ايللىرى دائره مذكوره دن اعلان اولنور .

۱۱ تشرين ثانی سنه ۳۱۵



اكن قضاى دعوى وكيللرندن عواقيان
علكساندر اقتدينك قضاى مذكورك اورك
قصبه سى اهالي سندن حاجى فلک زاده حافظ حسن
اقتدى ذمتنده با اعلام الهجفى اولان مبالغك

تاين استيفاسى ذمتنده مومى اليك اسكدارده
كنجه دده محله سنده طوپ طاشى جاده سنده
برطرى سلطان محمود جامع شريفى عرصه محلى
وبعضاً قول اغاسى مرحوم حسين اغانك ورثه سى
باغچه سى وارقه طرفى قول اغاسى حسن اقتدينك
خانه سى وبرطرى طريق خاص وبرطرى طريق
عام ايله محدود تخميناً بيك آرشون دروننده
برقيوى حاوى يوز يكرمى بش ويوز يكرمى يدي
نومرولى خانه وقهوه دكانلرينك عرصه لى التى حصه
اعتباريله متصرف اولدينى پدىر فلک زاده دن
انتقال ايده جك بر حصه سى وينه محل مذكوره
قرمجه احمد جاده سنده واقع برطرى نعلبنده محمد
اغانك دكانى وارقه طرفى عمر بك خانه سى وديكر
طرفى عايشه خانمك خانه سى وفوقنده ايكي اوپه
وبرابد سخانه وصوفه وبرقيو واوتوز آرشونندن
عبارت باغچه يي حاوى ۱۳ و ۱۵ نومرولى ايكي
باب كمورجى وقوندره جى دكانلردن مشتملاتى دخی
برابر اولدينى حالده اون ايكي حصه اعتباريله
هر ايكي دكانن متصرف اولدينى ايكي حصه سى
تاريخ اعلانن اعتباراً اون بش كون صكره
بالمزايده فروخته مبادرت اولنه جنى اسكدار
اجرا دائره سندن اعلان اولنور .

۱۵ تشرين ثانی سنه ۳۱۵